

Date – 09/07/2026

Time - 18:30 -18:40Hrs

AKASHVANI AIZAWL

REGIONAL NEWS BULLETIN

AKASHVANI AIZAWL

- 1. Ni 4 vel chhung khua a chen tak avangin state chhung hmun hrang hrangah chhiatna a thlen thu dawn a ni.
- 2. CADC CEM Pu Nirupam Chakma chuan vawiin khan House ah thlawptu a neihdan fiahna a paltlang.
- 3. Prime Minister Modia leh Australia Prime Minister Anthony Albanese te chuan vawiin khan Melbourne-a Australia-India Annual Leaders' Summit ah telin inremna hrang hrang siam a ni
- 4. Uttarakhand chu ramchhunga ziak leh chhiar thiam vek fully literate state parukna atan vawiin khan puan a ni.

<><><>

RAIN HAVOC

Ni 4 vel chhung khua a chen tak avangin state chhung hmun hrang hrangah chhiatna a thlen thu dawn a ni a, Aizawl District Disaster Management Authority chuan tun hnai ruahsur nasa avangin, Aizawl District chhung hmun hrang hrangah leimin leh lung tla a tam thu an sawi.

Aizawl District Disaster Management Authority hotute chuan Mizoramin furpui a tawn mekah mi tinte’n mahni chenna in bula tui luan kawr leh kan tuichhe paihna te uluk taka enkawl a thli thlai reng turin min duh a, chhung tinten mahni tuidawn theuh te siam tha a kawr a luantir theuh a pawimawh an tih thu te bakah PHE pipe leh tui lakna pipe dang leak a awm leh awmloh thli thlai reng a mahni awmna bula electric ban awmte pawh tluk mai awlsam a ni nge nilo tih te chian zel turin mipuite min ngen a. Aizawl District bik chu chhiatna a awm thulha hmalak zung zung a nih theihna’n Zone 17 a then hran a nih thu te bakah lei min leh lei tawlh a awm palh a nih pawhin mipuite chi ai mai lova, khawtlang hruaitute emaw sorkar lam hotute hriattir vat tur an nih thu an sawi bawk.

John Vanlalchhuanga, Akashvani News Aizawl.

Lunglei-a kan corr report lo ngaithla zui ang.

VC - National Highway 54 Bualte dai leimin chuan kawng hnawh ping vekin, lei minna hmunah hian ngawrh takin then fai hna an thawk reng a, amaherawhchu lei a la tlak belh zel avangin kawng hi tun dinhmunah a la tlang rih lo a ni.

Khualzin he lam kawng zawh thin leh zawh tumte'n kawng lak-ah harsatna an tawh loh nan kawng chanchin ngaichang hmasa turin Lunglei District thuneitute chuan vawiin khan thu an chhuah a ni.

Lunglei leh Hnahtial inkar pawh Dawn khaw bul lawkah nasa takin a min, kawng chhak minna hi Hnahtial lam a ni a, Lunglei panna tun dinhmunah ATL Road chiah a tlang a, Tlabung lam pawh Khawthlang tuipui a lian mek a, Lunglei tui lakna Tlawng leh Pialthleng tui pawh a chim chin a sang chho mek a, Gravity Impounding Dam pawh a hnuai lamah nasa taka paihchhuah ni chungin, a kuang ah a liam tawh a ni.

Ni nga chhung Mizoramah ruah sur-ah , Ruah tla thanem hlein hmun thenkhat chhiatna tam tak a thlen a. Serchhip-ah hian chhiatna lian tham a thleng lutuk lo chungin, Mat lui tui lian chuan Matphai-a thlai chinna hmun a hrut chhe nasa tih kan corr chuan a sawi a ni.

VC- Mat lui lian hian a kuang pangai atanga metre 500 vela awm Matphai- a thlasik thlai china hmun a – hmarchapui , bawkbawn hmun te, buh lo china hmun te leh thlai dang dang chinna hmun te chu a kuang pangai atang a luan chhuh dan pangai aia sang- ft sawmthum bawr velin , a chim che nasa hle ani heihi fur mat tulian vang a ni. Amaherawh chu fur vang Mat tui lian hi ruah a sur chhunzawm zel lo chuan reo a daih lutuk tura ngaih a ni lo a, ni thum ni vel ruah a han chuan luang liamin a kam leh duak mai tura ngaih a ni. Heng thlai chinna hmuna thlai chingtute hian fur a lo thlenna lui len dan turte an hriat sa thin avangin an hmanrua leh thil dang lui lian in a len bo theih tur te chu in seng hawi sa-in thlam te pawh a kang a sak vek a niin in ruahman lawkna te avang hian nasa lutuk a mat lui lian vangin chhiatna tawrhna hi a thleng lo tura ngaih a ni a, report te lakkhawm a nih theih hunah tui lian in a tichhiat te kimchang zawkin hriat theih a ni ang.

Lawngtlai khawpui luhna chu hmun hrang hrangah a ping mek a, thenfai hna thawh mek a ni.

Kan corr report ngaithla ang.

Lawngtlai District chhung, Sangau RD Block huamchhung, Cheural bul a kar hmasa Zirtawpni atanga leimin vanga kawngping chu thenfai zawh a la nilova, helai leimin hi Thawhtanni khan lirthei kaltlang theihin sialtlang nimahse, reilote ah a minbelh leh vangin lirthei engchimah kaltlang theih lohvin a la ping a, kawng enkawltu BRTF ten leimin thenfai hna hi an thawk mek a, kawng tlang huntur sawilawh hleihtheih a ni rihlo a ni.

National Highway 502(A) Multi Modal kawngpui tia hriatlar chu Lawngtlai hnaih, Ruankhum bul, Chatuan leimin tia hriat ah a ping deuh reng bawka, helai hi vawiin chahwnu lam kha chuan lirthei kaltlang theiin sialtlang nimahse, ruah a sur

*zuizel chuan englaipawha ping leh thei dinhmun ah a ding tih PWD hotute chuan an sawi. **Lalnggheta Lawngtlai PTC***

Tunlai ruahsur nasa avangin Khawzawl khawpui chawmtu ber Greater Khawzawl Water Supply Scheme tuilakna Tuichang lui tui chu a nu nasa hle a, hei vang hian tun dinhmunah tui Pump theih a ni lo a. Kan corr thudawn danin Tanky hrang hranga tui dah khawl hmangin nimin thleng khan tui sem mahse vawiin atangin tui an sem thei lo a. Tui an Pump theih loh tur chin ala hriat loh avangin PHE Department chuan Khawzawl mipuite chu tui renchem turin an ngen a ni. PHE Department hian tunlai hian Khawzawl khawchhunga Tanky te tih fai hna an thawk mek a, vawiin khan a tawpna ber turin Kawnzar veng Tanky chu an tifai bawk a ni.

<><><>

CADC

Chakma Autonomous District Council a Chief Executive Member atana nimina lakluh, BJP hruaitu Pu Nirupam Chakma chu House ah thlawptu a neihdan vawiin khan fiah niin, fiahna a paltlang.

CADC Special Session hi Dy. Chairman Pu Sundor Muni Chakma chuan kaihruaiin Elected member 19 an tel a, Member 20 awmna CADC ah hian vawiin a Session a tel, Session kaihruaitu tellovin member 18 ten CEM Pu Nirupam Chakma thlawpa. Session ah hian MNF MDC Pu Rasik Mohan Chakma a tel lo.

CADC 11-na hi nikum July ni 7 khan thlaruk chhung atan Governor thuneihnaah dah niin, kumin January ni 12 khan sorkar a la pian theih loh avangin Governor rule ah dah chhunzawm a ni. CADC, MDC 20 ah BJP 10. ZPM 9 leh MNF 1 an awm mek a, BJP leh ZPM chuan Chakma Democratic Alliance Legislature Party dinin sawrkarna an kalpui a, CEM thar hian a pisa luah lut nghal a ni.

<><><>

TOURISM

Tourism lam atanga thlirin Mizoram chuan ram pawn atanga tlawhtu khualzin a ngah sawt hle.

Akashvani News Aizawl-in Mizoram rawn tlawhtu khualzinte a kawm chianna-ah Mizoram chuan tlawhtu a ngah sawt chho hle a, khualzinte hian Mizoram chu tlangram hmun mawi tak leh boruak nuam tak, hmun ralmuang tak leh a mi chengte’n nun ze mawi tak an neih thu te an sawi a. Ramchhung state dangte ang a motor horn tlem tak bakah kawngpui a in tlan pelh tam lo tak chu khualzinte hian hmuhnawm an tih thu leh an ngaihsan thute an sawi bawk.

Aizawl Hangi Lunglen Tlanga Aizawl Peak siam chuan tlawh a hlawh hle a, tualchhung mite nen ni khata tlawhtu sang 3 an tlin tum te pawh a awm hial niin Akashvani News Aizawl an hrilh....

Aizawl Chawlhmun Venga Solomona Temple chu khualzinte tlawh hlawh tak hmun a ni bawk a, Solomona Temple dintu Kohhran Thianghlim Secretariat Superintendent Pu Vanlalhlana chuan a kum telin tlawhtu an pun thu a sawi a ni.

Larsap General (retd) Vijay Kumar Singh-a tlawha kal Air Marshal Inderpal Singh Walia, Air Officer Commanding-in-Chief (AOC-in-C) pawhin vawiin khan Solomona Temple hi tlawhin a fai zia leh an enkawl hnum dan chu fak tlak an ni a ti a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

PM MODI

Prime Minister Modia leh Australia Prime Minister Anthony Albanese te chuan vawiin khan Melbourne-a Australia-India Annual Leaders' Summit ah telin inremna hrang hrang siam a ni. Hruaitu pahnihte hian thuchhuah intawm siamin ram pahnih inlaichinnaa insiamthatna tam tak thleng chu lawmawm an tih thu an sawi a.Heng bakah hian remna a awm theihnan te, energy intodelh nante leh technology lama ngaihtuahna thar neih kawngahte an thawhdunna chuan hma a sawn zel an ti a. Indo-Pacific chhehvela remna a awm theih nan hruaitu pahnihte hian unified Maritime Security Collaboration Roadmap an tlangzarh a. Prime Minister Narendra Modia chuan eibar zawinna leh sumdawinna lama thawhdunna chu Summit avang hian a kang dawrh a ti a. Nuclear energy lamah bungthar kai anih thu sawiin Pu Modia chuan Australia atanga India-a Uranium supply turin inremna an siam a ti.

Prime Minister Narendra Modia hian vawiin khan India-Australia CEO Forum ah a tel bawk a ni.

(Newsonair)

<><><>

UTTARAKHAND

Uttarakhand chu ramchhunga ziaak leh chhiar thiam vek fully literate state parukna atan vawiin khan puan a ni. National Education Policy 2020 leh ULLAS-Understanding of Lifelong Learning for All in Society-New India Literacy Programme hnuaiah fully Literate state ah puan a ni a. Hei hian Uttarakhand hian Mizoram, Goa, Tripura, Himachal Pradesh leh Sikkim te nen fully literate state dinhmun an luah tawh a ni.

(Newsonair)

